

## ЎЗБЕКИСТОН — ҚИРҒИЗИСТОН: ДЎСТЛИК ВА СТРАТЕГИК ШЕРИКЛИК МУНОСАБАТЛАРИНИ ЯНАДА МУСТАҚАМЛАШ ЙЎЛИДА



Ўзбекистон Республикаси Президенти Шавкат Мирзиёевнинг таклифига биноан Қирғизистон Республикаси Президенти Сапар Жапаров 11 март куни давлат таширифи билан мамлакатимизга келди.

Қирғизистон раҳбари Ўзбекистон Республикаси Бош вазири Абдулла Арипов ҳамроҳлигида Мустақиллик майдонига ташриф буюрди. Олий мартабали меҳмон хурриятимиз, порлоқ истиқболимиз ва эзгу ниятларимиз рамзи бўлган Мустақиллик ва эзгулик монументига гул қўйди.

Кўксарой қароргоҳида олий даражадаги Ўзбекистон — Қирғизистон саммитининг асосий тадбирлари ўтказилди.

Расмий кутиб олиш маросимидан сўнг Ўзбекистон ва Қирғизистон Президентларининг тор доирадаги музокараси бўлиб ўтди.

Учрашув аввалида Президент Шавкат Мирзиёев Сапар Жапаровни Қирғиз Республикаси Президенти этиб сайлангани билан яна бир бор табриклаб, қирғиз халқининг фаровонлиги йўлида олиб бораётган саъй-ҳаракатларини қўллаб-қувватлашини билдирди.

Очик ва дўстона руҳда ўтган учрашувда давлат раҳбарлари Ўзбекистон билан Қирғизистон ўртасидаги муносабатларнинг бугунги ҳолатини юқори баҳолади. Сиёсий, савдо-иқтисодий ва транспорт соҳаларидаги ҳамкорликни ривожлантиришнинг кенг қўламли масалаларини муҳокама қилди.

Президентлар икки мамлакат ўртасидаги стратегик шериклик муносабатларини тенг ҳуқуқлилик ва ўзаро манфаатдорлик асосида мустақамлаб бориш, аввал қабул қилинган ҳужжатларни амалга ошириш йўлида қатъий эканини тасдиқлади. Барча соҳалардаги ҳамкорликни изчил кенгайтириш учун олий ва юқори даражадаги сиёсий мулоқотни мунтазам давом эттиришга келишиб олинди.

2017 йил 5 сентябрда имзоланган Ўзбекистон — Қирғизистон давлат чегараси тўғрисидаги шартноманинг тарихий аҳамияти қайд этилиб, мазкур чегаранинг қолган қисмларини ҳам делимитация

қилиш мақсадида Ҳукуматлараро комиссия музокараларни фаоллаштириш бўйича кўрсатма берилди.

Мулоқотда минтақавий ва халқаро аҳамиятга молик масалалар юзасидан ҳам фикр алмашилди. Қўллаб-қувватлаш бўйича томонларнинг позицияси бир хил экани намоён бўлди.

Қирғизистон Президенти Ўзбекистоннинг минтақавий ҳамкорлик ва интеграцияни мустақамлашга қаратилган саъй-ҳаракатларини, Марказий Осиё давлатлари раҳбарлари маслаҳат учрашувларини ўтказиш тўғрисидаги ташаббусини қўллаб-қувватлашини билдирди.

▶ Давоми 2-бетда

## ЎЗБЕКИСТОН ПРЕЗИДЕНТИ АБУ-ДАБИ ВАЛИАҲДИ БИЛАН ТЕЛЕФОН ОРҚАЛИ МУЛОҚОТ ҚИЛДИ

11 март куни Ўзбекистон Республикаси Президенти Шавкат Мирзиёев ва Абу-Даби Амирлиги валиаҳди, Бирлашган Араб Амирликлари Қурулли Кучлари Олий бош қўмондонини ўринбосари Шайх Муҳаммад бин Зайд Ол Наҳённинг телефон орқали мулоқоти бўлиб ўтди.

Сўхбат аввалида давлатимиз раҳбари Абу-Даби валиаҳдини тававалуд кун билан самимий муборакбод этиб, дўст Амирликлар халқи фаровонлиқ, муваффақиятлар ва раванқ тилади.

Мулоқот чоғида мамлакатларимиз ўртасидаги кўп қиррали ҳамкорликни янада кенгайтириш масалалари кўриб чиқилди.

2019 йил март ойда Бирлашган Араб Амирликларига амалга оширилган олий даражадаги ташрифта эришилган келишувларни

рўёбга чиқаришга алоҳида эътибор қаратилди.

Энергетика, саноат, қишлоқ хўжалиги, молия, инфратузилма йўналишларида йирик қўшма лойиҳаларни, соғлиқни сақлаш ва таълим соҳаларидаги қатор муҳим дастурларни амалга оширишнинг давом эттириш муҳим экани таъкидланди.

Халқаро ва минтақавий аҳамиятга молик масалалар юзасидан ҳам фикр алмашилди.

Ўза

## “ЯНГИ ЎЗБЕКИСТОН” УЧУН МАХСУС



## Ўзбекистон — Германия:

## САМАРАЛИ ҲАМКОРЛИКНИНГ КЕНГ ИСТИҚБОЛЛАРИ

Ўзбекистон мустақилликка эришгач, жаҳон ҳамжамиятига интеграциялашув бўйича саъй-ҳаракатларни жадал бошлаб юборди.

Етакчи хорижий давлатлар билан тенг ва ўзаро манфаатли алоқалар ўрнатиш ёш республикамиз суверенитетини мустақамлаш, миллий ва минтақавий хавфсизликни таъминлаш,

барқарор иқтисодий тараққиёт, эркин демократик давлат қуриш учун қўлай шарт-шароитлар яратишда муҳим роль ўйнади.

▶ Давоми 2-бетда

## Ўзбекистон Республикаси Президентининг ҚАРОРИ

## ЙИЛҚИЧИЛИК ВА ОТ СПОРТИНИ ЯНАДА РИВОЖЛАНТИРИШ ҲАМДА ЗАМОНАВИЙ БЕШКУРАШ ВА ПОЛО СПОРТ ТУРИНИ ОММАЛАШТИРИШ БЎЙИЧА ҚЎШИМЧА ЧОРА-ТАДБИРЛАР ТЎҒРИСИДА

Мамлакатимизда йилқичилик, наслчилик ва от спортини ривожлантириш, маҳаллий зотдор отларни кўпайтириш, замонавий бешкураш ва поло спорт турини оммалаштириш, соҳага тўғридан-тўғри хорижий инвестицияларни кенг жалб этиш, шунингдек, моддий-техник базасини мустақамлаш мақсадида:

1. Қуйидагилар Ўзбекистонда йилқичилик ва от спортини (кейинги ўринларда — от спорти) ҳамда замонавий бешкураш ва поло спорт турларини янада ривожлантиришнинг асосий йўналишлари этиб белгилансин:

мамлакатда от спортини ҳамда замонавий бешкураш ва поло спорт турларини аҳоли ўртасида энг оммавий спорт турларидан бирига айлантириш, иқтидорли ёшларни танлаш, саралаб олиш (селекция) ва уларни профессионал спортчилар сифатида тайёрлаш тизимини йўлга қўйиш;

от спорти ҳамда замонавий бешкураш ва поло спорт турлари билан шуғулланиш учун зарур моддий-техник база ва инфратузилмани шакллантириш, шу жумладан, от спорти клублари фаолиятини ривожлантириш, терма жамоалар учун ўқув-масқ жараёнини самарали ташкил этиш;

Қурулли Кучлар ва ҳуқуқни муҳофаза қилувчи органларнинг жисмоний тайёргарлик машғулотирига бошқичма-бошқич от спорти ҳамда замонавий бешкураш ва поло спорт турларини киритиш;

от спорти ҳамда замонавий бешкураш ва поло спорт турларини ривожланган мамлакатлар билан рақобат қила оладиган даражага етказиш, халқаро талаб ва стандартлар асосида мутахассисларни тайёрлаш, йирик халқаро мусобақалар, жумладан, Усмирлар, ёшлар ва хотин-қизлар жамоалари ўртасида жаҳон ва қитъа биринчиликлари ўтказиш;

от спорти ҳамда замонавий бешкураш ва поло спорт турларини аҳоли ўртасида, шу жумладан, оммавий ахборот воситалари орқали кенг тарғиб қилиш.

2. Бош вазирнинг ўринбосари А.А.Абдуҳақимов Қишлоқ хўжалиги вазирлиги, Ветеринария ва чорвачиликни ривожлантириш давлат қўмитаси, Ўзбекистон Миллий олимпия қўмитаси, Ўзбекистон йилқичилик ва от спорти федерацияси, Ўзбекистон замонавий бешкураш федерацияси, Ўзбекистон поло федерацияси ҳамда бошқа манфаатдор ташкилотлар билан биргаликда 2021 йил 1 июнга қадар мазкур қарорда белгилаб берилган устувор вазифалардан келиб чиқиб, соҳада катта тажрибага эга бўлган маҳаллий ва хорижий мутахассислар ҳамда ташкилотларни жалб этган

ҳолда, Ўзбекистон Республикаси Президентининг Ўзбекистонда йилқичилик, от спорти, замонавий бешкураш ва поло спорт турини 2025 йилгача ривожлантириш давлат дастурини мақсадли кўрсаткичлар (индикаторлар) ҳамда уни амалга оширишга доир йиллар бўйича “Йўл харитаси” билан биргаликда тасдиқлашни назарда тутувчи қарори лойиҳасини белгилашнинг тартибда Вазирлар Маҳкамасига киритсин.

3. Вазирлар Маҳкамаси, Қишлоқ хўжалиги вазирлиги, Молия вазирлиги, Ўзбекистон Миллий олимпия қўмитаси, Қашқадарё вилояти ҳокимлиги ва Ўзбекистон йилқичилик ва от спорти федерациясининг:

Қашқадарё, Сурхондарё, Тошкент, Фарғона вилоятлари ва Тошкент шаҳрида от спортини ривожлантириш, насли ва зотдор отларни кўпайтириш, шунингдек, маҳаллий ва хорижий туристларнинг дам олишини ташкил қилиш учун зарур инфратузилма объектларидан (ипподром, стадион, сузиш хавзаси, меҳмонхона, даволаш-соғломлаштириш мажмуаси, кафе, ветеринария дорихонаси, ўқув маркази, спорт ва зотдор отлар учун ветеринария клиникаси) иборат кўп тармоқли спорт мажмуаларини давлат-хусусий шериклик асосида барпо этиш;

▶ Давоми 3-бетда

## ЯГОНА ОИЛАДА



## МАНАС: ЯНГИЛАНИШ ВА ОБОДЛИК ГЎШАСИ

2018 йилда Ўзбекистонда мисли кўрилмаган катта лойиҳа — “Обод қишлоқ” дастури амалга оширилгани, бу хайрли иш Дўстлик туманининг Манас қишлоғида бошланиб, унинг бошида Президентимиз Шавкат Мирзиёевнинг шахсан ўзи тургани бутун дунёга шов-шув бўлгани рост гап.

Ҳа, Манас юртимизда “Обод қишлоқ” дастурини татбиқ этишда ўзига хос намуна, таъбир жоиз бўлса, ишончли ва мустақам пойдевор сифатида тарихга кирди. Зеро, 6 минг 300 нафардан зиёд аҳоли истиқомат қилиб келган ушбу манзил ўша пайтда хароб ҳолга тушиб қолган, инфратузилма иншоотлари, кўча ва йўللар ташландиқ, ичимлик сув, иссиқлик, электр энергияси таъминоти издан чиққан, савдо,

маданий-маиший хизмат, сервис соҳалари талабга мутлақо жавоб бермас эди.

Давлатимиз раҳбари ташаббуси ва алоҳида эътибори билан “Обод қишлоқ” дастури асосида қисқа муддат ичида мавжуд муаммоларни бартараф этиш юзасидан кенг қамровли ишлар амалга оширилди. Қурувчилар, бошқа соҳалар ходимлари бу лойиҳани рўёбга чиқариш учун кечаю кундуз меҳнат қилди.

Қишлоқ ҳудудида сизот сувлар кўтарилиб кетган, бу эса давлат ва жамоат бинолари, аҳоли турар жойлари, бошқа иншоотлар пойдеворининг зах босишига, деворларининг нурашига сабаб бўлаётган эди. Шунинг учун, биринчи галда, қишлоқ атрофидаги 41 километр узунликдаги коллектор-дренаж тармоқлари тозаланди.

▶ Давоми 3-бетда









